



Gwahoddiad i Dendro (ITT)

Rhaglen Twf Diwydiannol wedi'i harwain
gan Arloesedd

Cyfeirnod: IZ-ILIGP-IT01

Cyllideb: £180,000 yn cynnwys TAW



Cynnwys

Adran 1.....	4
Cefndir	4
Cyd-Bwyllgor Corfforedig Gogledd Cymru ac Uchelgais Gogledd Cymru	4
Adran 2.....	5
Parth Buddsoddi Sir y Fflint a Wrecsam.....	5
Amcan y Prosiect.....	5
Cwmpas y Gwaith	5
Disgwylir i'r gwaith gymryd 12 mis. Cyllideb	5
Ymgysylltu	6
Allbynnau Allweddol.....	6
Adran 3.....	6
Profiad, sgiliau ac unrhyw ofynion ychwanegol i'r rôl.....	6
Profiad a gwybodaeth.....	6
Sgiliau	6
Adran 4.....	6
Gwerth Cymdeithasol.....	6
Adran 5.....	6
Amserlenni	6
Proses Dendro a Chanllawiau Cyflwyno.....	7
Sut i gyflwyno.....	7
Cwestiynau.....	8
Cyflwyno'r Tendir.....	9
Gwerthuso a Phenodi.....	9
Hawliau.....	10
Adran 6.....	11
Rhestr wirio.....	11
Adran 7.....	13
Gwybodaeth Ychwanegol.....	13
Yswiriant Indemnïad.....	13
Cyfle Cyfartal.....	13
Rhyddid Gwybodaeth.....	13
Cyfrinachedd	13

Buddiannau Sy'n Gwrthdaro	14
Telerau ac Amodau	14
Cyflwyniadau'r Consortiwm	14
Ffynonellau Data	14
Cronfa Data Cyflenwyr a Holiadur Cyfleoedd Cyfartal	14
Atodiadau.....	15

Adran 1

Cefndir

Cyd-Bwyllgor Corfforedig Gogledd Cymru ac Uchelgais Gogledd Cymru

Sefydlwyd partneriaeth Bwrdd Uchelgais Economaidd Gogledd Cymru ym 2012 i ddatblygu dull rhanbarthol o dyfu economaidd a mynd i'r afael â'r heriau a'r rhwystrau sydd yn wynebu economi Gogledd Cymru, ac y gweithredodd o dan enwad brand Uchelgais Gogledd Cymru.

Mae'r bartneriaeth yn gweithredu ar draws chwe ardal awdurdod lleol Gogledd Cymru sy'n cynnwys cyngorau Gwynedd, Ynys Môn, Conwy, Sir Ddinbych, Wrecsam a Sir y Fflint. Roedd y bartneriaeth hefyd yn cynnwys Prifysgol Bangor, Prifysgol Wrecsam, Coleg Cambria a Grŵp Llandrillo Menai.

Mae Cytundeb Twf Gogledd Cymru yn gytundeb tri pharti, a lofnodwyd ym Mis Rhagfyr 2020 rhwng Uchelgais Gogledd Cymru, Llywodraeth y DU a Llywodraeth Cymru ac mae wedi sicrhau cyllid o £240m gan y Llywodraeth i fuddsoddi yn economi Gogledd Cymru fel rhan o'r cytundeb £1bn.

Mae'r Swyddfa Rheoli Portffolio, a sefydlwyd i gyflawni'r Cytundeb Twf, yn darparu gweithgaredd strategol a gweithredol Uchelgais Gogledd Cymru gyda thîm o Reolwyr Rhaglen a Phrosiect sy'n cyflawni prosiectau ar draws portffolio amrywiol, wedi'i chefnogi gan dîm ehangach o swyddogion / staff.

Ym mis Ebrill 2024, daeth y Bwrdd Uchelgais Economaidd yn Gyd-Bwyllgor Corfforedig, gyda chyfrifoldebau newydd dros drafnidiaeth rhanbarthol a chynllunio strategol yn ogystal â chyfrifoldeb dros wella a hyrwyddo lles economaidd Gogledd Cymru. Mae'r Cyd-Bwyllgor Corfforedig yn cynnwys y chwe awdurdod lleol a Chyngor Parc Cenedlaethol Eryri. Cytunodd y Cyd-Bwyllgor Corfforedig i fabwysiadu brand Uchelgais Gogledd Cymru.

Ar 1af Ebrill 2025, trosglwyddwyd y Swyddfa Rheoli Portffolio a Chynllun Twf Gogledd Cymru i'r Cyd-Bwyllgor Corfforedig sy'n cael ei hadnabod bellach fel Uchelgais Gogledd Cymru.

Mae mwy o wybodaeth am Uchelgais Gogledd Cymru, y CBC a Chynllun Twf Gogledd Cymru ar gael ar y wefan - [Uchelgais Gogledd Cymru | Cartref](#).

Cyd-Bwyllgor Corfforedig Gogledd Cymru fydd yr awdurdod contractio ar ran Uchelgais Gogledd Cymru.

Adran 2

Parth Buddsoddi Sir y Fflint a Wrecsam

Uchelgais Gogledd Cymru yn gweithio mewn partneriaeth â chynghorau Sir y Fflint a Wrecsam i gyflawni Parth Buddsoddi Sir y Fflint a Wrecsam – a fydd yn gweld buddsoddiad o hyd at £160m dros 10 mlynedd.

Fel ymrwymiad ar y cyd gan lywodraethau'r DU a Chymru, nod y Parth Buddsoddi yw gwella a thyfu clwstwr gweithgynhyrchu uwch o bwys byd-eang.

Bydd yn rhyddhau potensial pellach i Sir y Fflint a Wrecsam, sydd eisoes yn gartref i weithrediadau gweithgynhyrchu gwerth uchel a safleoedd diwydiannol strategol, drwy gynnig cyfuniad unigryw o gymorth, seilwaith a chymhellion wedi'u targedu sydd wedi'u dylunio i ddenu a chynnal busnesau. Bydd y buddion yn fuddion pellgyrhaeddol, yn ymestyn ar draws Gogledd Cymru a thu hwnt.

Mae'r cyfle sylweddol ar gyfer twf eisoes wedi'i gydnabod, gyda chewri fel Airbus a JCB yn mynegi cefnogaeth.

Amcan y Prosiect

Mae Uchelgais Gogledd Cymru yn ceisio caffael ymarferwyr arloesi profiadol i ymgysylltu â busnes, llywodraeth a'r byd academaidd – drwy ddull helics triphlyg – i yrru arloesedd a datblygiad economaidd ar draws y Parth Buddsoddi.

Cwmpas y Gwaith

Dylai'r Rhaglen fod yn rhagweithiol yn ei dull o sicrhau twf diwydiannol cymdeithasol ac amgylcheddol gyfrifol trwy arloesi a mabwysiadu technoleg newydd.

Dylai'r Rhaglen nodi dyluniad gweithredu uchelgeisiol ar gyfer cefnogi busnesau bach a'r cyllid a'r cyfleusterau angenrheidiol i gyflawni hyn.

Dylai'r Rhaglen hefyd nodi'r dull gorau yn Sir y Fflint a Wrecsam i gefnogi ehangu busnesau bach neu fusnesau cyfnod cynnar yn ogystal ag ymgysylltu â busnesau bach a chanolig ar eu heriau twf a chynhyrchiant.

Dylai'r Rhaglen archwilio'r ffordd orau o leoleiddio a thyfu cadwyni cyflenwi prif fusnesau gweithgynhyrchu'r rhanbarth.

Disgwyli'r gwaith gymryd 12 mis. Cyllideb

Y gyllideb ar gyfer y contract hwn yw £180,000 gan gynnwys TAW am gyfnod y contract.

Ymgysylltu

Dylai cynigion dystiolaethu partneriaeth â rhanddeiliaid arloesi allweddol ledled gogledd-ddwyrain Cymru ac ymhellach (Gogledd Cymru) fel y bo'n briodol.

Allbynnau Allweddol

Allbwn allweddol y rhaglen yw dylunio rhaglen arloesi yn y dyfodol a'r cyllid a'r cyfleusterau angenrheidiol i'w chyflawni. Efallai y bydd y rhaglen yn troi at y Parth Buddsoddi am gyllid yn y dyfodol a dylid nodi unrhyw gais pellach yn Adroddiad y Rhaglen.

Adran 3

Profiad, sgiliau ac unrhyw ofynion ychwanegol i'r rôl

Profiad a gwybodaeth

- Dylai cynigion gynnwys aelodau o'r tîm sydd â hanes profedig mewn dylunio a gweithredu rhaglenni arloesi.
- Dylai sefydliadau sy'n cefnogi'r rhaglen hefyd ddangos eu profiad a'u hanes o ran ymgysylltu â diwydiant a phrifysgolion a chyflawni arloesedd yng nghyd-destun sector cyhoeddus.

Sgiliau

- Sgiliau a phrofiad yn ôl yr angen i gyflawni'r uchod fel y dangosir gyda CVs y tîm craidd a'r partneriaid

Adran 4

Gwerth Cymdeithasol

Gweler Atodiad 4 am wybodaeth am yr elfen cyflwyno Gwerth Cymdeithasol.

Adran 5

Amserlenni

Rhagwelir y bydd yr amserlen isod yn cael ei dilyn:

Tabl 1 – Amserlenni

Agor i Geisiadau	5 ^{ed} Rhagfyr 2025
Cyfnod cwestiwn ag Ateb yn cau	18 ^{fed} Rhagfyr 2025 - 16:00
Dyddiad cau ceisiadau	6 ^{ed} Ionawr 2026 – 12:00 haner Dydd
Cyfnod Gwerthuso	6 ^{ed} Ionawr 2026
Dyfarniad	Wythnos cychwyn 19 ^{eg} Ionawr 2026
Cyfarfod Cychwynnol / Dechrau'r Contract	Wythnos cychwyn 19 ^{eg} Ionawr 2026
Diwedd y contract	31 Mawrth 2027

Proses Dendro a Chanllawiau Cyflwyno

Sut i gyflwyno

Rhaid cyflwyno pob tendr yn electronig drwy blatfform GwerthwchiGymru. Ni fydd Uchelgais Gogledd Cymru yn derbyn tendrau a dderbynnir mewn unrhyw fformat arall.

1. Cyflwyniad technegol (**uchafswm o 6x tudalen A4 – Ffont Arial 12**)
 - 60% sgôr gyffredinol – gweler 'Adran 5 – Gwerthuso a Phenodi' am feini prawf a phwysoliad penodol.
 - Defnyddiwch Atodiad 1 – templed Cyflwyniad Technegol i gyflwyno'ch cynnig technegol.
2. Cyflwyniad masnachol (**dim cyfyngiad nifer o dudalennau**)
 - 30% sgôr gyffredinol – gweler 'Adran 5 – Gwerthuso a Phenodi' am feini prawf a phwysoliad penodol.
 - Dylai ymgeiswyr gyflwyno prisiau **sy'n cynnwys TAW**.
 - Dylai'r costau arfaethedig gynnwys yr holl gostau cyfieithu, ac unrhyw gostau a threuliau cysylltiedig y disgwylir iddynt gael eu cynnwys yn y ffi arfaethedig.
 - Defnyddiwch Atodiad 2 – templed Cyflwyniad Masnachol i gyflwyno'ch cynnig masnachol.
3. Cyflwyniad Gwerth Cymdeithasol (**uchafswm o 1x tudalen A4 – Ffont Arial 12**)
 - 10% sgôr gyffredinol – 'gweler Adran 5 – Gwerthuso a Phenodi' am feini prawf a phwysoliad penodol.
 - Cyfeiriwch at Atodiad 4 – Gofyniad Gwerth Cymdeithasol am wybodaeth ynglŷn â'r cyflwyniad Gwerth Cymdeithasol.

- Defnyddiwch Atodiad 3 – templed Cyflwyno Gwerth Cymdeithasol i gyflwyno'ch cynnig gwerth cymdeithasol.

4. Atodiadau

- **Wedi'i gyfyngu i CVs y tîm yn unig.**
- Dylid defnyddio atodiadau a ddarperir fel rhan o'r cyflwyniad i ddarparu tystiolaeth ychwanegol a deunydd darluniadol i gefnogi ymateb i gwestiynau cynigwyr. Ni ddylid defnyddio atodiadau i ateb rhannau o'r cwestiynau nad ydynt wedi'u hystyried ym mhrif gyflwyniad y cynnig – mewn achosion o'r fath ni fydd y wybodaeth hon yn cael ei hystyried fel rhan o'r gwerthusiad.
- Ni chaiff atodiadau eu sgorio.
- Rhwch deitlau clir i'ch atodiadau os gwelwch yn dda.

Mae Adran 6 ac Atodiad 11 yn cynnwys rhestr wirio lawn o ddogfennau o'r hyn y mae'n rhaid i chi ei gyflwyno fel rhan o'r tendr hwn. Gwnewch yn siŵr eich bod yn cyfeirio at y rhestr wirio hon drwy gydol y broses, yn enwedig cyn i chi gyflwyno'ch cynnig, i sicrhau eich bod wedi cwblhau a chyflwyno'r holl ddogfennau gorfodol. Gall methu â chyflwyno dogfennau gorfodol olygu bod eich cyflwyniad yn cael ei eithrio o'r gwerthusiad.

Mae'r cyfle hwn yn addas i gonsortwm a / neu BBaCh os gellir darparu tystiolaeth i ddangos y gellir cyflawni'r cwmpas. Yn achos consortwm, byddai disgwyl i'r prif gyflenwr arweiniol gyflwyno'r cais yn unig (bydd disgwyl i aelod o'r consortwm gael ei nodi ar y PQQ).

Mae'r cyfle hwn yn addas i gonsortwm a / neu BBaCh os gellir darparu tystiolaeth i ddangos y gellir cyflawni'r cwmpas. Yn achos consortwm, byddai disgwyl i'r prif gyflenwr arweiniol gyflwyno'r cais yn unig (bydd disgwyl i aelod o'r consortwm gael ei nodi ar y PQQ).

Dylai ceiswyr ystyried dim ond yr wybodaeth sydd yn y ddogfen hon a'r dogfennau cefnogol, neu un rhywbeth a gyfathrebwyd yn ffurfiol atoch yn ysgrifenedig wrth wneud eich cynnig. Mae'n rhaid i geiswyr geisio eglurhad os nad ydynt yn deall un rhywbeth.

Cyfrifoldeb yr Ymgeiswyr yw sicrhau eu bod wedi deall y dogfennau ITT a'u bod yn eu cwblhau'n gywir. Rhaid i ymgeiswyr geisio eglurhad os nad ydynt yn deall unrhyw beth.

Nid yw Uchelgais Gogledd Cymru yn gyfrifol am ddogfennau tender sy'n cael eu dychwelyd wedi'u cwblhau'n anghywir.

Cwestiynau

Gallwch gyflwyno, erbyn **16:00, 18^{fed} Rhagfyr 2025** fan bellaf, unrhyw ymholiadau sydd gennych am y Gwahoddiad i Dendro hwn. Cyflwynwch y cyfryw ymholiadau gan ddefnyddio'r

Swyddogaeth Holi ac Ateb ar GwerthwchiGymru. Cyn belled ag y bo'n rhesymol bosibl, bydd yr Uchelgais Gogledd Cymru ymateb i bob cais rhesymol am esboniad i unrhyw agwedd ar y Gwahoddiad i Dendro hwn a'r dogfennau ategol, os cânt eu gwneud cyn y terfyn amser uchod.

- Derbynnir cwestiynau mewn fformat dienw.
- Bydd pob cwestiwn ac ateb yn cael ei ymateb a'i anfon at bob ymgeisydd.

Cyflwyno'r Tendir

Rhaid i chi gyflwyno eich ymateb i'r Gwahoddiad i Dendro hwn erbyn **12:00 haner Dydd, 6ed Ionawr 2026** yn unol â darpariaethau'r cyfryw Wahoddiad i Dendro. Ceidw'r Uchelgais Gogledd Cymru hawl i ymestyn y dyddiad cau. Bydd unrhyw estyniad a ganiateir yn berthnasol i bob Sefydliad sy'n Tendre. Ceidw'r Uchelgais Gogledd Cymru hawl i wrthod unrhyw ymatebion a dderbynnir ar ôl y dyddiad cau.

- Derbynnir cyflwyniadau yn unol â'r cyfarwyddiadau uchod yn unig – ni fydd unrhyw gais arall yn cael ei dderbyn.
- Ni fydd unrhyw dendr yn cael ei ystyried oni chaiff ei gyflwyno drwy'r Swyddogaeth 'Blwch Post' ar GwerthwchiGymru – ni fydd unrhyw dendrau a gyflwynir drwy ddulliau eraill yn cael eu hystyried

Gwerthuso a Phenodi

Bydd cynrychiolwyr o Uchelgais Gogledd Cymru yn gyfrifol am werthuso ceisiadau a phenodi'r ymgeisydd llwyddiannus o ganlyniad i'r broses werthuso.

Gan dynnu o'r gofynion a nodir yn adran 2 & 3 bydd yr holl geisiadau a dderbynnir yn cael eu gwerthuso ar Yn dilyn y sail:

Tabl 2 – Tystiolaeth ar gyfer Cyflwyniad

Meini prawf a phwysau	Disgrifiad Criteria	Sgôr ar gael
Technegol - 55%	Methodoleg i gwblhau cwmpas y gwaith fel y nodir yn Adran 2	50%
	Tystiolaeth o gwblhau gwaith tebyg yn llwyddiannus (fel y manylir uchod) a sut mae'r gwybodaeth, profiad a sgiliau hyn yn caniatáu i'r ymgeisydd fodloni'r holl gytundebau a gwasanaeth.	50%
Masnachol - 30%	Pris cyffredinol ar gyfer graddfa'r gwaith.	70%

Cyllideb: [mewnosod y gyllideb] gan gynnwys TAW Ni chaiff cyflwyniad dros y pris nodwyd uchod ei ystyried.	Disgrifiad (breakdown) i gefnogi'r gost a gyflwynwyd.	30%
Gwerth Cymdeithasol - 15%	Gwerth Cymdeithasol ansoddol. Gweler Atodiad 4 am wybodaeth ynghlŷn â'r cyflwyniad Gwerth Cymdeithasol.	100%

Gweler Atodiad 5- Matrics Sgorio am fanylion pellach.

Bydd y Tîm Gwerthuso yn sgorio pob adran neu ymateb. Bydd yr holl gwestiynau'n cael eu gwerthuso yn unol â'r fethodoleg sgorio ansawdd isod a bydd y sgôr a roddir yn adlewyrchu'r lefel o hyder a geir o'r ymatebion sy'n cael eu hystyried. Mae'r dehongliadau generig o'r meini prawf ar gyfer y gwahanol lefelau hyder wedi'u crynhoi yn Nhabl 3.

Tabl 3 – Methodoleg Sgorio Ansawdd

Sgôr	Perfformiad	Beirniadaeth
5	Mae'r wybodaeth a ddarparwyd yn rhagori ar ofynion.	Arbennig
4	Mae'r wybodaeth a ddarparwyd yn cwrdd â'r gofynion ar gyfer darparu'r gwasanaeth.	Da
3	Mae'r wybodaeth a ddarparwyd ond mae pryderon y gellid fod gan y cwmni ddifffygion sylfaenol i gyflawni'r safon ofynnol ar gyfer darparu'r gwasanaeth.	Derbyniol
2	Gwybodaeth fyr a ddarparwyd ond mae pryderon bod gan y cwmni ddifffyg gwybodaeth neu ddarparu ar gyfer y gwasanaeth.	Amheus
1	Mae'r wybodaeth yn anghyflawn.	Gwael
0	Nid yw'n darparu unrhyw wybodaeth / mae'r wybodaeth yn hollol annigonol.	Methu

Mae'r sgôr ar gyfer yr elfen pris yn cael ei gyfrifo'n awtomatig gan y daflen sgorio trwy gym haru pris y tendrwr â'r pris cydymffurfio isaf.

Hawliau

Ceidw Uchelgais Gogledd Cymru hawl i:

- Dyfarnu'r contract i'r cynnig mwyaf manteisiol gan ystyried holl agweddau ansawdd y cyflwyniad.

- Hepgor neu newid gofynion y Gwahoddiad i Dendro hwn o bryd i'w gilydd heb roi unrhyw rybudd ymlaen llaw.
- Ceisio esboniad neu ddogfennau mewn perthynas â chyflwyniad Sefydliad sy'n Tendre.
- Diarddel unrhyw Sefydliad sy'n Tendre nad yw'n cyflwyno Tendir sy'n cydymffurfio yn unol â'r cyfarwyddiadau yn y Gwahoddiad i Dendro hwn.
- Diarddel unrhyw Sefydliad sy'n Tendre ac sy'n euog o gamliwio difrifol mewn perthynas â'i Dendr, ei fynegiant o ddiddordeb, yr Holiadur Cyn-gymhwyso neu â'r broses dendro.
- Tynnu'r Gwahoddiad i Dendro hwn yn ôl unrhyw bryd, neu ail wahodd Tendrau ar yr un sail neu ar unrhyw sail arall.
- Dewis peidio â dyfarnu unrhyw gontract o ganlyniad i'r broses gaffael bresennol.
- Gwrthod tendr y mae ei bris neu ei gynnig yn ymddangos yn anarferol o isel.
- Gwneud pa newidiadau bynnag y gwêl yn dda i'r Amserlen, y strwythur neu i gynnwys y broses gaffael, gan ddibynnu ar brosesau cymeradwyo neu am unrhyw reswm arall.

Nid yw Uchelgais Gogledd Cymru yn ei rhwymo i dderbyn y dyfynbris isaf nac unrhyw dyfynbris a gyflwynwyd yn ymateb i'r crynodeb hwn.

Ni fydd Uchelgais Gogledd Cymru yn ad-dalu unrhyw gostau sy'n gysylltiedig â chyflwyno ymateb i'r cais hwn am ddyfynbris.

Adran 6

Rhestr wirio

Cyn cyflwyno'ch cais, gwnewch yn siŵr eich bod wedi ystyried a chyflwyno'r holl ddogfennau gorfodol isod. Gallwch gadw golwg ar yr hyn rydych wedi'i gwblhau a/neu ei gyflwyno gan ddefnyddio Atodiad 11 – Rhestr Wirio / Mynegai o Atodiadau .

Cymerwch sylw o'r cyfyngiadau o ran nifer y tudalennau a pheidiwch â mynd dros hyn (ni fydd unrhyw ddeunydd y tu hwnt i'r cyfyngiadau yn cael eu hystyried i'w gwerthuso). Er mwyn sicrhau tegwch a chysondeb wrth werthuso, gofynnir i bob Ymgeisydd gwblhau eu cyflwyniadau gan ddefnyddio'r templedi Gwerth Technegol, Masnachol a Chymdeithasol sydd wedi'u cynnwys yn y pecyn (Atodiadau 1, 2 a 3). Rhaid defnyddio **ffont Arial, maint 12**.

Yn ogystal â'r atodiadau a restrwyd, mae hefyd yn orfodol i chi ddarparu:

- Copi o dystysgrif gyfredol eich sefydliad o Yswiriant Indemniad Proffesiynol £1m neu ymrwymiad i gael un os ydych yn llwyddiannus yn y dyfarniad.
- Copi o bolisi Cydraddoldeb / Cyfle Cyfartal eich sefydliad.



Rhestr wirio	Gweithred	Angenrheidiol er mwyn cyflwyno
Gwahoddiad i Dendro	Darllen yn unig. Fe'ch cynghorir i ddarllen hwn yn gyntaf.	X
Atodiad 1 - Cyflwyniad Technegol	Defnyddiwch y ddogfen hon i gwblhau eich cyflwyniad Technegol.	✓
Atodiad 2 - Cyflwyniad Masnachol	Defnyddiwch y ddogfen hon i gwblhau eich cyflwyniad Masnachol.	✓
Atodiad 3 - Cyflwyniad Gwerth Cymdeithasol	Defnyddiwch y ddogfen hon i gwblhau eich cyflwyniad Gwerth Cymdeithasol.	✓
Atodiad 4 - Gwerth Cymdeithasol	Darllen yn unig. Fe'ch cynghorir i ddarllen hwn cyn cwblhau eich cyflwyniad gwerth cymdeithasol.	X
Atodiad 5 - Matrics Sgorio	Darllen yn unig.	X
Atodiad 6 - Holiadur Cyn-Cymhwyso (PQQ)	Llofnodi a chwblhau.	✓
Atodiad 7 - Tystysgrif Gwrth-Gydgynllwynio	Llofnodi a chwblhau.	✓
Atodiad 8 - Telerau ac Amodau Contract Safonol	Darllen yn unig.	X
Atodiad 9 - Canllaw ar sut i dendro a Chwestiynau Cyffredin	Darllen yn unig.	X
Atodiad 10 - Egwyddorion Caffael - Uchelgais Gogledd Cymru	Darllen yn unig.	X
Atodiad 11 - Rhestr Wirio / Mynegai o Atodiadau	Darllen yn unig.	X
Tystysgrif Diogelu Proffesiynol	Copi o dystysgrif Diogelu Proffesiynol cyfredol dros £1m neu ymrwymo i'w chael os byddwch yn llwyddiannus yn y wobwr	✓
Polisi Cydraddoldeb / Cyfle cyfartal	Copi o bolisi Cydraddoldeb / Cyfle cyfartal eich sefydliad	✓

Adran 7

Gwybodaeth Ychwanegol

Yswiriant Indemnïad

Bydd yn amod penodi fod yr ymgeisydd yn indemnïo'r cleient yn erbyn unrhyw hawliadau sy'n codi yn sgil y comisiwn, boed hynny'n digwydd yn sgil esgeulustod neu fel arall. Dylid rhoi cadarnhad bod gan y tendrwr a benodir yswiriant indemnïad proffesiynol sy'n werth o leiaf £1m, neu'n fodlon ymrwymo i'w gael os caiff ei benodi - nid yw hyn wedi'i gynnwys yn y cyfyngiad nifer tudalen.

Cyfle Cyfartal

Rhaid i'r ymgeiswyr a wahoddir i gyflwyno dyfynbris sicrhau eu bod yn dilyn polisi cyfle cyfartal - yn eu gwaith fel cyflogwr, yn y defnydd a wnânt o wirfoddolwyr ac wrth ddarparu eu gwasanaethau - boed hynny yng nghyswllt iaith, hil, rhyw, tueddiad rhywiol, crefydd neu, fel y bo'n ymarferol, unrhyw anabledd. Dylid cynnwys copi o Bolisi Cyfle Cyfartal y Cyflenwr gyda'r cynnig dyfynbris - nid yw hyn wedi'i gynnwys yn y cyfyngiad nifer tudalen.

Gwahoddir y Gydawyr i gyflwyno yn y Gymraeg neu'r Saesneg ac ni fydd cyflwyno yn y naill iaith na'r llall yn golygu y byddant yn cael eu trin yn llai ffafriol.

Rhyddid Gwybodaeth

Atgoffir ymgeiswyr fod Uchelgais Gogledd Cymru yn ddarostyngedig i ddarpariaethau Deddf Rhyddid Gwybodaeth 2000 a Deddf Diogelu Data 1998. Bydd angen i'r ymgeisydd gydymffurfio â holl ofynion perthnasol y ddeddfwriaeth Diogelu Data. Mae Adran 28 ac Atodiad 8 y ddogfen sy'n dwyn y teitl 'Amodau a Thelerau Safonol' yn amlinellu rhwymedigaethau unigol ac ar y cyd pob parti. Nid yw hyn yn rhyddhau, gwaredu na disodli rhwymedigaethau unrhyw barti dan y Ddeddfwriaeth Diogelu Data

Cyfrinachedd

Bydd yr Ymgeisydd yn trin y Dogfennau Dyfynbris yn breifat a chyfrinachol.

Ni fydd yr Ymgeisydd yn datgelu:

- Y ffaith eu bod wedi derbyn gwahoddiad i gyflwyno dyfynbris nac yn rhyddhau manylion y Contract;
- Manylion eu Cynnig yn llawn neu'n rhannol cyn i'r Contract gael ei ddyfarnu gan Uchelgais Gogledd Cymru na pan fydd yn derbyn hysbysiad nad yw'r Cynnig wedi'i dderbyn os mai hynny yw'r achos, oni bai ei fod yn gwneud hynny'n 'gyfrinachol' wrth y rheini a chanddynt angen cyfreithlon i wybod neu'r rheini y mae angen iddo ymgynghori â hwy er mwyn paratōi'r Cynnig.

Wrth ymgymryd â'r comisiwn, bydd y cyflenwyr a benodir yn cytuno i beidio â datgelu unrhyw Wybodaeth Gyfrinachol i unrhyw drydydd parti heb ganiatâd ysgrifenedig ymlaen llaw gan y Uchelgais Gogledd Cymru. I'r graddau y mae'n ofynnol i'r Ymgeisydd ddatgelu gwybodaeth gyfrinachol i'w staff, ei asiantau a'i is contractwyr, bydd yr Ymgeisydd yn sicrhau bod y staff, yr asiantau a'r is contractwyr hynny yn ddarostyngedig i'r un rhwymedigaethau â'r Cyflenwr o ran yr holl wybodaeth gyfrinachol.

Buddiannau Sy'n Gwrthdaro

Er mwyn gwarchod materion a allai fod yn fasnachol sensitif, rhaid i ymgeiswyr ddatgelu unrhyw fuddiant neu gomisiynau cysylltiedig a allai effeithio ar y modd y cynhelir yr astudiaeth arfaethedig hon. Mae gofyn i chi gwblhau'r Tystysgrif Gwrth-Gydgynllwyni – Atodiad 7 – nid yw hyn wedi'i gynnwys yn y cyfngiad nifer tudalen.

Telerau ac Amodau

Mae Amodau a Thelerau Safonol y Contract wedi'u cynnwys yn Atodiad 8.

Cyflwyniadau'r Consortiwm

Mae Ambition North Wales yn cydnabod bod ceisiadau consortiwm yn bosibl. Yn achos y cynigir cynnig consortiwm, rhaid i'r parti sy'n gyfrifol am y rhan berthnasol ateb yr adrannau PQQ. Yn achos gwybodaeth ariannol, rhaid cyflwyno gwybodaeth addas er mwyn i Ambition North Wales wneud arfarniad cyflawn o'r consortiwm arfaethedig a'i rannau.

Ffynonellau Data

Bydd yr holl ffynonellau data a ddefnyddir i lywio'r modelu/arfarniadau economaidd a wneir gan contractwr y gwaith yma yn cael eu rhannu ag Uchelgais Gogledd Cymru ar ôl ei gwblhau.

Ymgysylltu ag eraill

Efallai y bydd angen i'r contractwr llwyddiannus ymgysylltu a chydweithio ag ymgynghorwyr presennol (mewnol a/neu allanol) sy'n cefnogi Uchelgais Gogledd Cymru a Chyngor Gwynedd i gael gwybodaeth gyfreithiol a/neu ariannol berthnasol sy'n ofynnol i gyflawni cwmpas gwaith y comisiwn hwn. Bydd Uchelgais Gogledd Cymru yn helpu i hwyluso unrhyw ymgysylltiad a chydweithrediad sydd ei angen.

Cronfa Data Cyflenwyr a Holiadur Cyfleoedd Cyfartal

Cronfa Data Cyflenwyr

Mae Uchelgais Gogledd Cymru wedi sefydlu cronfa ddata fewnol ddiogel a chyfrinachol ar gyfer cyflenwyr, gyda chydysniad cyflenwyr, er mwyn cadw gwybodaeth hanfodol at ddibenion cyflenwi yn unig. Mae'r gronfa ddata hon yn ein galluogi i hysbysu cyflenwyr cofrestru'n uniongyrchol pryd bynnag y cyhoeddir hysbysiad cyflenwi ar Sell2Wales.

Os hoffech i'ch sefydliad gael ei ychwanegu at y gronfa ddata hon, yna cwblhewch [y ffurflen hon](#) i gofrestru.

Noder nad yw hyn yn elfen orfodol ac ni fydd yn effeithio ar eich cyflwyniad os ddewiswch peidio â'i gwblhau neu beidio.

Holiadur Cyfleoedd Cyfartal

Mae Uchelgais Gogledd Cymru wedi ymrwymo i hyrwyddo cydraddoldeb, amrywiaeth a chynhwysiant yn ein proses gaffael. Er mwyn cefnogi'r ymrwymiad hwn, gofynnwn yn garedig i gyflenwyr lenwi'r [Holiadur Cyfle Cyfartal](#) i'n helpu i asesu a gwella cynhwysiant yn ein gweithgareddau caffael. Mae'r ymatebion yn cynnig cyfle gwerthfawr i ni adnabod a deall y rhwystrau y gallai SMEs fod yn eu hwynebu yn well, ac yn ein galluogi i archwilio sut y gallwn gynnig cymorth a chyfarwyddyd priodol i helpu cyflenwyr i gryfhau eu gallu yn y meysydd hyn.

Nodwch nad yw hyn yn elfen orfodol ac ni fydd yn effeithio ar eich cyflwyniad os dewiswch peidio â'i gwblhau. Ni fydd cwblhau'r Holiadur Cyfleoedd Cyfartal yn dylanwadu ar gymhwysedd na penderfyniadau ynglyn a unrhyw gyflenwr mewn perthynas ag unrhyw gyfleoedd tendro gyda ni.

Atodiadau

Atodiad 1 - Cyflwyniad Technegol

Atodiad 2 - Cyflwyniad Masnachol

Atodiad 3 - Cyflwyniad Gwerth Cymdeithasol

Atodiad 4 - Gwerth Cymdeithasol

Atodiad 5 - Matrics Sgorio

Atodiad 6 - Holiadur Cyn-Cymhwyso (PQQ)

Atodiad 7 - Tystysgrif Gwrth-Gydgynllwynio

Atodiad 8 - Telerau ac Amodau Contract Safonol

Atodiad 9 - Canllaw ar sut i dendro a Chwestiynau Cyffredin

Atodiad 10 - Egwyddorion Caffael - Uchelgais Gogledd Cymru

Atodiad 11 - Rhestr Wirio / Mynegai o Atodiadau